



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Selasa, 21 Mac 2023

DISEDIAKAN OLEH :
UNIT KOMUNIKASI KORPORAT,
JABATAN PERKHIDMATAN VETERINAR MALAYSIA

Ternakan : barangan kes lebih RM500,000 dirampas

MEDIA	RUANGAN	MUKA SURAT
Utusan Malaysia	Dalam Negeri	30

Ternakan: Barangan kes lebih RM500,000 dirampas

HULU TERENGGANU: Jabatan Perkhidmatan Veterinar (JPV) Terengganu merampas barangan kes bernilai lebih RM500,000 membabitkan pelbagai kesalahan berkaitan haiwan ternakan sepanjang tahun lalu.

Pengarah JPV negeri, Dr. Anun Man berkata, jumlah rampasan itu melibatkan 16 kes kesalahan pemindahan ternakan,

enam kes kawalan penyembelihan dan empat kes membabitkan kebajikan haiwan.

"Nilai keseluruhan barangan yang dirampas bernilai RM552,210. Barangan dirampas termasuk haiwan ternakan, daging lembu serta pelbagai jenis kenderaan seperti treler, lori dan motosikal.

"Bagi haiwan ternakan, seba-

nyak 162 ekor kambing bernilai RM63,540, lembu 94 ekor berjumlah RM173,670 dan kerbau bernilai RM2,000 dirampas. Turut dirampas ialah daging lembu seberat 518 kilogram (kg) bernilai RM17,890.

"Rampasan membabitkan kenderaan seperti sebuah treler yang bernilai RM95,000, 10 buah lori bernilai RM200,000, masing-ma-

sing sebuah pacuan empat roda (RM10,000) motosikal (RM3,000) dan kereta bernilai (RM15,000)," katanya selepas Program Tanggungjawab Sosial Korporat (CSR) Ternakan Padang Ragut Rakyat JPV, di Kampung Durian Kassim, Ajil, di sini, semalam.

Dr. Anun berharap penternak mematuhi peraturan ditetapkan dalam proses mendapatkan per-

mit pergerakan pindah ternakan sama ada dari daerah ke daerah mahupun negeri ke negeri.

Katanya, ternakan tidak berdaftar dengan jabatan tidak diberi permit perpindahan kerana melalui pengeluaran permit pihaknya dapat mengawal dan mengetahui punca sekiranya mana-mana ternakan itu mempunyai penyakit.

Raya worries over egg, chicken, veg prices

MEDIA	RUANGAN	MUKA SURAT
The Star	Nation	6

Raya worries over egg, chicken, veg prices

By R. SEKARAN
rsekaran@thestar.com.my

GEORGE TOWN: Although the supply of eggs at markets and retail stores in Penang has stabilised, several traders fear there could be a shortage when Ramadan begins in the middle of this week, followed by Hari Raya Aidilfitri a month later.

Egg trader Mars Lau, 30, said he had been getting 60 trays of egg compared with 30 trays some three to four months ago.

The supply is a far cry from last year, when he used to get 100 trays daily before the number dwindled to 30 trays late last year. Each tray has 30 eggs.

"Although the egg supply has improved lately, I foresee it may not be sufficient for the festive season.

"For now, there is ample supply, but with demand expected to surge closer to Hari Raya, the existing supply may not be able to cope with the increasing demand," said Lau, who has three stalls selling eggs at the Ayer Itam wet market.

At the Bandar Baru Ayer Itam wet market, egg trader Elaine Tan, 50, said she hoped there would be sufficient supply during the festive season.

She said although shortages were no longer as severe as before, her concern was that the price had seen a steady increase over the last few months.

"I am the only one selling eggs in this market now, as three others closed shop during the period when there was an egg shortage.



Good supply: Lau showing the eggs at his stall at the Ayer Itam wet market in Penang. — ZHAFFARAN NASIB/The Star

"I have maintained the same prices from the time when there was a shortage until now," said Tan, who sells kampung eggs at 70 sen each, grade AAA at 66 sen, grade AA at 62 sen and D (the smallest) at 48 sen.

Meanwhile, prices for vegetables have soared and are expected to increase further with the approach of Ramadan.

The price of beans has increased to RM5 from RM4 per kg, while other greens that have seen an increase were okra (RM11 to RM15 per kg), cucumber (RM4 to RM6 per kg), cabbage (RM8 to RM11 per kg),

and tomatoes (RM8 to RM11 per kg). Vegetable seller Thiruselvi Kanesan, 47, said although no shortage had been reported, there was a steady price increase of at least 30% for certain vegetables over the past few months.

"There are fewer customers visiting my stall as they are looking into how best to save on their expenses," added Thiruselvi.

Prices for chicken differ in certain markets, with one selling at RM9.40 per kg at Ayer Itam market, while two other traders in Bandar Baru Ayer Itam have been selling at RM10 and RM12 per kg.



Trader K. Ramesh, 56, who has been selling chickens for almost 20 years, said his RM12 per kg price was reasonable, as chickens nowadays are not transported directly from the farm.

"We are paying a higher cost as processed chickens are now transported to a centralised distribution centre on Penang island, before being distributed to traders.

"I get 400 chickens on weekdays and 500 during weekends. I would have sold the chicken for RM10 per kg if I could get it directly from the farm," he said.

Under the regulations of the Penang Island City Council, only processed chickens can be brought to wet markets, and traders have to store them in large freezers.

Hajamubarakali Mohd. Hanippa, 61, sells about 180 chickens a day at RM10 per kg.

"As you can see, prices vary because the processed chickens sold by the middleman is not fixed.

"It could be very much higher during the festive season," he said.

Seekor lembu laris terjual dalam tempoh 30 minit		
MEDIA	RUANGAN	MUKA SURAT
Kosmo	Negara	16

Seekor lembu laris terjual dalam tempoh 30 minit

ALOR SETAR – Orang ramai tidak ketinggalan menyebu pusat jualan daging segar tempatan sempena Ramadan sekaligus menyaksikan seekor lembu dijual dalam masa 30 minit.

Program anjuran Yayasan Islam Negeri Kedah (YINK) bertujuan membantu masyarakat mendapatkan bahan mentah pada harga lebih rendah iaitu RM35 sekilogram berbanding RM40 harga pasaran.

Menurut Ketua Pegawai Eksekutif YINK, Sharifah Norulasyikhah Syed Mohamad, sebanyak lima ekor lembu disediakan bagi program tersebut.

"Objektif program bagi membolehkan orang ramai membeli daging tempatan segar pada harga lebih murah sempena Ramadan. Kita jual hanya RM35 berbanding RM40 di luar.

"Setiap orang, kita hadkan hanya sekilogram sahaja untuk pastikan lebih ramai berpeluang membeli daging tempatan segar ini," katanya.

Tambahnya, selain daging turut dijual semua bahagian lain lembu daripada tulang, perut, paru, hati hingga limpa.

"Jualan ini kita buka sehingga habis kesemua lima ekor lembu berkenaan dijual dan sambutan menggalakkan.

"Kita berbesar hati kerana Pengerusi YINK, Syekh Mohamad Rodi Abdul Rahman turun padang menyembelih lembu-lembu berkenaan," katanya.



ORANG ramai membeli daging lembu tempatan dijual pada harga RM35 sekilogram di Pusat Dakwah Islam Kedah, Alor Setar semalam.

Veterinar sita 162 kambing, 94 lembu		
MEDIA	RUANGAN	MUKA SURAT
Kosmo	Negara	17

Veterinar sita 162 kambing, 94 lembu



HULU TERENGGANU – Jabatan Perkhidmatan Veterinar (JPV) Terengganu merampas nilai sitaan melebihi setengah juta ringgit membabitkan pelbagai kesalahan berkaitan haiwan ternakan sepanjang tahun lalu.

Pengarah JPV negeri, Dr. Anun Man berkata, rampasan itu melibatkan 16 kes kesalahan pemindahan ternakan, kawalan penyembelihan (enam kes) dan kebajikan haiwan (empat kes).

Beliau berkata, nilai keseluruhan barang kes yang dirampas ialah RM552,210 meliputi haiwan ternakan, daging lembu serta kenderaan.

"Sebanyak 162 ekor kambing bernilai RM63,540, 94 ekor lembu (RM173,670) dan seekor kerbau (RM2,000) berjaya dirampas.

"Kita turut menyita daging lembu seberat 518 kilogram (kg) bernilai RM17,890," katanya ketika ditemui pada program tangjawab sosial korporat (CSR) Ternakan Padang Ragut Rakyat JPV di Kampung Durian Kassim, Ajil di sini semalam.

Anun menambah, rampasan kenderaan pula membabitkan sebuah treler bernilai RM95,000 dan 10 buah lori bernilai keseluruhan RM200,000.

Beliau memberitahu, rampasan lain masing-masing sebuah pacuan empat roda, motosikal dan kereta yang kesemuanya bernilai RM28,000 turut dirampas.

ANUN (tengah) meninjau antara lembu yang dipamerkan pada program CSR Ternakan Padang Ragut Rakyat JPV di Ajil, Terengganu semalam.

Menjelang Ramadhan, harga barangan sudah mula naik

MEDIA	RUANGAN	MUKA SURAT
Harian Metro	Lokal	7



HARGA ayam proses standard menurun RM9.40 sekilogram berbanding minggu lalu RM9.70 sekilogram.

MENJELANG RAMADAN

Harga barangan sudah mula **naik**

Oleh Suraya Roslan
surayaroslan@mediapri-
ma.com.my

Kuala Lumpur

Menjelang tiga hari umat Islam menyambut Ramadhan, beberapa barangan keperluan utama berlaku peningkatan harga berbanding minggu lalu.

Tinjauan Harian Metro di beberapa pasar raya di sekitar ibu kota semalam mendapati, harga ayam hidup meningkat iaitu RM8.69 satu kilogram berbanding RM8.40 minggu lalu manakala ayam proses standard menurun semalam kepada RM9.40 sekilogram berbanding minggu lalu RM9.70 sekilogram.

Selain itu, bawang besar kuning naik 10 sen iaitu RM4.50 sekilogram berbanding RM4.40 minggu lalu manakala bawang merah import kekal harga sama RM6 sekilogram.

Peniaga di Pasar Chow Kit dikenali sebagai Kwan berkata, berlaku sedikit kenaikan harga ayam proses berbanding minggu lalu.

"Bagaimanapun, ayam hidup masih kekal harga sama dan perbezaan harga hanya 20 sen hingga 30 sen saja.

"Kebanyakan masyarakat Islam sudah memenuhi pasar untuk mendapatkan keperluan barangan mentah

bermula awal minggu ini," katanya.

Selain itu, hasil tinjauan juga mendapati telur ayam gred A kekal harga RM0.45 sen sebiji manakala bagi gred B RM0.43 biji, gred C pula RM0.41 sebiji.

Bagi pembeli, Junaidah Ahmad, 50, berkata, kebanyakan barangan mentah naik sedikit sekitar 20 sen hingga 30 sen berbanding minggu lalu.

"Contohnya, harga santan biasa RM5.80 minggu lalu, namun hari ini naik RM6 dan begitu juga dengan ayam," katanya yang juga suri rumah.

Bagi suri rumah, Asmah Hamzah, 40, berkata, dia yang selalu membeli barangan mentah setiap minggu dapat merasakan perbezaan harga.

"Minggu ini kebanyakan barangan naik sedikit berbanding minggu lalu, mungkin kerana menjelang Ramadhan.

"Contohnya, kubis bulat minggu lalu berharga RM4 tetapi minggu ini naik RM1 kepada RM5.

"Begitu juga dengan dengan cili hijau, minggu lepas berharga RM10 sekilogram manakala minggu ini berharga RM11.99," katanya.

Tinjauan juga mendapati, tiada kenaikan harga barangan kawalan seperti minyak serta tepung dan kekal dengan harga sama.

"
Minggu ini
kebanyakan
barangan naik
sedikit
Asmah